

PAZARKO

školski magazin

21



Evropski dani sporta

20. MEĐUNARODNI DJEČJI
FESTIVAL VEZENI MOST



SVEČANA DONACIJA
LEKTIRNIH NASLOVA



Dan krunisanja
Tvrтка I Kotromanića



NAŠI ZLATNI KOŠARKAŠI

S A D R Ž A J



04 Prvačići

08 Evropska sedmica sporta

11 Svjetski dan mentalnog zdravlja

12 Manifestacija "Vezeni most"

18 Oktobar, mjesec knjige

20 Dan krunisanja Tvrтка I Kotromanića

26 Evropski dan pravde

28 Naše odbojkašice

30 Urbana ekologija

31 BAZAR - kupujmo domaće

40 Naši zlatni košarkaši

48 INTERVJU sa učenicom Lanom Katyom Ilievskom



Uvodna riječ

Poštovani,

Poštovani učenici i učenice, dragi roditelji, pred vama je novi broj školskog lista "Pazarko". U ovom broju možete sigurno pronaći zanimljive sadržaje, koje su za vas ove školske godine birali članovi uređivačkog tima Osnovne škole „Pazar“.

U školskoj 2023/2024. godini našu školu pohađa 371 učenik a raspoređeni u 16 odjeljenja. Kao i prethodnih i ove školske godine nastavljamo sa učešćima na različitim takmičenjima i nadamo se da će imena naših učenika i naše škole naći svoje mjesto među uspješnijima.

Kako bismo svi zajedno osigurali ugodan ambijent za odvijanje nastavnog procesa, kako prethodne, tako i ove školske godine, pratimo trend osavremenjavanja nastavnog procesa putem različitih nabavki i donacija u vidu pametnih tabli, računara, sportske opreme, klavira, mikrofona, projektora, laptopa, kancelarijskog namještata za učionice, lektirnih naslova za biblioteku. Posebno smo ponosni na saradnju sa Vijećem roditelja naše škole u realizaciji projekta Uređenje školskog dvorišta kao i naš tradicionalni prodajni bazar Kupujmo domaće, gdje smo saradivali sa 25 različitih domaćih proizvođača i privatnih preduzeća. Također, moramo spomenuti i donaciju pametne table koju smo dobili od izdavačke kuće Buybook posredstvom Ministarstva obrazovanja i nauke Tuzlanskog kantona, te ostvarenu saradnju sa Plesnim klubom Flamenco.

Seid Nožinović
direktor škole

REDAKCIJA



Javna ustanova Osnovna škola
"PAZAR"
Ul. Pazar br. 1.
75 000 Tuzla
ospazar.org
skolapazar@gmail.com

IZDAVAČ
Javna ustanova
Osnovna škola
PAZAR

REDAKCIJSKI ODBOR
Melika Suljagić
Meliha Smajlefendić
Jasmina Bajraktarević
Emina Škahić

za IZDAVAČA
Seid Nožinović
direktor škole

UČENICI ČLANOVI
NOVINARSKJE SEKCIJE
Adi Rehić,
Sarah Hukić,
Anja Nikolić,
Haris Nukić,

UREDNIK
Melika Suljagić

LEKTOR
Melika Suljagić

Nejra Avdić,
Emina Jahić,
Sara Hodžić,
Adi Havalić,
Imra Ahmetović.

DIZAJN I TEHNIČKA PRIPREMA
Samir Bajraktarević

FOTOGRAFIJE
Senad Rehić
NOVINARSKA SEKCIJA

PRVAČICI

Školsko zvono je pozdravilo i označilo početak školovanja za naše učenike-prvake. Veliko uzbuđenje i veselo ozračje vladalo je školom, a prvačiće su prigodnim programom dočekali stariji učenici i uljepšali im prve trenutke boravka u školi.







Krajem septembra, 27.9.2023. god. za učenike naše škole organizovan je jesenji izlet. Učenici prvih razreda imali su priliku družiti se, zabaviti i takmičiti se kroz različite vidove društvenih i štafetnih igara. Također, učenici su zajedno sa učiteljicama poželjeli dobrodošlicu jeseni, tako što su od lišća kreirali jesenju djevojku koju su nazvali "Jesenka". Bio je to za naše prvačiće zanimljiv i nadasve lijep dan.





27.09.2023. UČENICI OD 2. DO 9. RAZREDA OŠ "PAZAR" SA SVOJIM UČITELJICAMA, RAZREDNICIMA, NASTAVNIKOM TJELESNOG ODGOJA I DIREKTOROM ŠKOLE UŽIVALI SU U JESENJEM SPORTSKOM DANU. SPORTSKE AKTIVNOSTI ZAPOČELE SU ŠETNJOM OD HOTELA ZLAČA PREMA ZOBIKU U DUŽINI OD 3 KM, A PO POVRAJKU NASTAVLJENE NA SPORTSKIM TERENIMA NOGOMETA, BASKETA I ODBOJKE. BIO JE OVO LIJEP DAN ZA DRUŽENJE, IGRU I SMIJEH.





Osnovna škola PAZAR

EVROPSKA SEDMICA SPORTA



u saradnji sa



Specijalnom olimpijadom Bosne i Hercegovine

Evropska sedmica nogometa



Osnovna škola "Pazar" sa zadovoljstvom je obilježila Evropsku sedmicu sporta i Evropsku sedmicu nogometa organizirajući raznolike i uzbuđujuće aktivnosti u saradnji sa Specijalnom olimpijadom Bosne i Hercegovine (BiH). Tokom ove sedmice, učenici su uživali u mnogim sportskim disciplinama, uključujući nogomet i atletiku. Nastavnici su se pobrinuli da svaki učenik bude angažovan i aktivno učestvuje u tim aktivnostima kako bi se promovisao zdrav način života i timski duh. Također su održane i edukativne sesije o značaju fizičke aktivnosti za zdravlje i blagostanje, kako bi se podstakla svijest o važnosti redovnog vježbanja. Učiteljice

su bile impresionirane angažmanom svojih učenika i isticale su važnost ovakvih događaja za razvoj fizičke spremnosti i socijalnih vještina kod djece. Na kraju sedmice, direktor OŠ Pazar i predstavnici Specijalne olimpijade BiH zahvalili su svim učenicima, nastavnicima i roditeljima na podršci i učešću u ovim aktivnostima, ističući da će škola i dalje promovisati zdrav način života i sportski duh među svojim učenicima i podržavati inkluzivne sportske inicijative. Ovo dodatno ističe značaj i inkluzivnost događaja i pokazuje podršku Specijalne olimpijade BiH u promociji sporta među svim osobama, bez obzira na njihove sposobnosti.



SVJETSKI DAN MENTALNOG ZDRAVLJA



Svjetski dan mentalnog zdravlja



Svjetski dan mentalnog zdravlja obilježava se svake godine 10.10. s ciljem podizanja svijesti o problemima mentalnog zdravlja te osvještavanja potrebe za ulaganjem u programe zaštite i očuvanja mentalnog zdravlja. Povodom toga pedagogica škole, Edina Šehić održala je radionicu sa učenicima 7. razreda.

MANIFESTACIJA “VEZENI MOST”

*Nagrada “Mali princ” za stvaralački doprinos
razvoju dječije književnosti
u Bosni i Hercegovini*



U sklopu manifestacije “Vezeni most” u srijedu 11. oktobra u Domu književnosti naša škola zajedno sa nastavnicama i učenicima OŠ “Novi Grad” je dala mali doprinos u večeri dodjele nagrade “Mali princ” za doprinos stvaralaštvu dječije književnosti u Bosni i Hercegovini. Ovogodišnja princeza, dobitnica nagrade “Mali princ” je književnica Bisera Alikadić, a naše učenice Mia i Ena Nezirović uz

odabir teksta i podršku nastavnica Melihe Smajlefendić i Melike Suljagić, imale su čast kazati nekoliko riječi o životu i književnom stvaralaštvu ove bh. književnice. U cilju poticanja na čitanje i promociju čitanja u okviru mjeseca knjige desetak učenika od 6. do 9. razreda sa nastavnicom Melikom Suljagić propratili su ovaj značajan kulturni događaj u našem gradu.







OŠ "Kiseljak"



OŠ "Lipnica"



OŠ "Mejdan"



OŠ "Tušanj"



Jedan od ciljeva u planu i programu Aktiva pedagoga osnovnih škola Grada Tuzle jeste rad na mentalno- zdravstvenoj pismenosti u osnovnim školama. Zajedničkom aktivnošću i saradnji nekoliko tuzlanskih osnovnih škola Pisci, Breške, Mejdan, Lipnica, Kiseljak, Pazar i Tušanj realizovane su aktivnosti koje promiču ulaganje, očuvanje i unaprjeđivanje mentalnoga zdravlja i dobrobiti pojedinaca i zajednice te usvajanja zdravih stilova života. Aktivnosti koje su održane:

OŠ. "Mejdan"- radionica u više razreda sa nastavnicima

OŠ. "Pasci"- radionica za učenike 8. i 9. razreda na temu Stres, uz video

OŠ. "Lipnica"- okrugli sto sa Vijećem

učenika - Mentalno- zdravstvena pismenost. Promicanje mentalnog zdravlja je neizostavan i neizmjereno važan dio sveukupnog zdravlja, zaključak je ovog okruglog stola,

OŠ. "Kiseljak"- Dramski klub, Slagalica (dvije radionice)

OŠ. "Tušanj"- radionica Vijeća učenika na temu: Unaprjeđenje mentalnog zdravlja djece i mladih.

Cilj radionice je potaknuti učenike da progovore o svojim problemima. Razviti osjećaj kod djece da nisu sami i da je svaki problem rješiv.

OŠ. "Pazar" - radionice za učenike VII razreda u sklopu kojih su učenici pogledali kratki video o važnosti očuvanja mentalnog zdravlja. Također, nakon radionice na holu

škole će se izraditi panoji na istu tematiku, koji će učenicima biti podsjetnici na to kako svakodnevnim malim koracima možemo brinuti o mentalnom zdravlju. U školi "Mejdan" održane radionice povodom Svjetskog dana mentalnog zdravlja. U različitim odjeljenjima su održane različite radionice kao što su: "Uticaj emocija na mentalno zdravlje", "Recept za sreću", "Druženje i društvene igre u službi mentalnog zdravlja", Kreativne radionice za mentalno zdravlje i dr. U jednom odjeljenju gošća je bila psihoterapeutkinja. Povodom 10. oktobra, Svjetskog dana mentalnog zdravlja mnogobrojni stručnjaci ističu važnost sve veće brige za mentalno zdravlje djece i mladih. Djeca i mladi danas su izloženi mnogobrojnim

10. OKTOBAR



SVJETSKI DAN MENTALNOG ZDRAVLJA



OŠ "Breške"



OŠ "Pasci"



OŠ "Pazar"



pritislima – od školskog do društvenog. Na njihove živote utiče prekomjerna upotreba tehnologije kao i nedostatak sna i fizičke aktivnosti. S toga su naši učenici danas dobili ideje i preporuke kako da se nose sa "problemima" koje im nosi svakodnevnica.

U JU OŠ "Kiseljak" realizovane su 3 radionice za učenike 5. 6. i 9. razreda na temu mentalnog zdravlja u organizaciji rukovodstva Vijeća učenika. Radionice su uključivale igre jedinstva, zajedništva i povezanosti uz definisanje svojih osjećanja i potreba sa zaključcima pomoći sebi i drugima. Učenici 7. i 8. razreda su učestovali u organizaciji i

izvođenju performansa na datu temu kako bi uticali na svijest izrečenih riječi i uticaja na druge. Performans je održan u saradnji sa Dramskim klubom "Slagalica" iz Kiseljaka. U JU OŠ "Pasci" realizovana je radionica za učenike 8. i 9. razreda.

U JU OŠ "Tušanj" Vijeće učenika sa pedagogicom Zinaidom Čolić Ćatić obilježili su 10. oktobar Dan mentalnog zdravlja.

Realizovali su radionicu "Mentalno zdravlje kod djece i mladih".

U JU OŠ "Lipnica" održan okrugli sto sa Vijeća učenika i pedagogicom, na temu "Mentalno- zdravstvena

pismenost". Promicanje mentalnog zdravlja je neizostavan i neizmjerljivo važan dio sveukupnog zdravlja, zaključak je sa ovog okruglog stola. Cilj zajedničkih aktivnosti osnovnih škola jeste međusobna saradnja i podrška.



Mjesec KNJIGE



Učenici prvih razreda naše škole 26.10. 2023. godine posjetili su Narodnu biblioteku "Derviš Sušić" i time doprinijeli obilježavanju mjeseca knjige. Tom prilikom učenici su obišli dječije odjeljenje i prisustvovali predavanju i radionici na temu "Brzalice, pitalice i zagonetke u našem jeziku", koje su pripremile učiteljice prvih razreda...

*Jasmina Bajrektarević
Sonja Suljaković*



Mercy – USA za Bosnu i Hercegovinu

Svečana donacija lektirnih naslova za školsku biblioteku

Dana, 17. oktobra 2023. godine sa početkom u 10:00 sati u Osnovnoj školi „Pazar“, upriličena je svečana donacija lektirnih naslova za školsku biblioteku naše škole.

Prilikom Svečanosti donacije lektirnih naslova prisutnima se obratio direktor Mercy – USA za Bosnu i Hercegovinu, dr. Ghassan Husni te direktor škole Seid Nožinović.

Ovu prigodu uveličalo je prisustvo učenika naše škole i to učenika trećeg razreda učiteljice Emire Ramić, kao i učenika predmetne nastave sedmih razreda čime smo podsjetili na značaj čitanja i isticanje mjeseca oktobra kao mjeseca knjige.

Ovom prilikom direktor škole Seid Nožinović uručio je zahvalnice Humanitarnoj organizaciji Mercy – USA, kao i direktoru Mercy-USA dr. Ghassaniju Husni te dobavljaču lektira Admiru Gruhonjić, direktoru




OKTOBAR "MJESEC KNJIGE"



Srijedom u oktobru stariji učenici mlađima predstavljaju i preporučuju pročitane lektire.

Sa uživanjem smo pratili izlaganje Neje Nukić i Majre Dedić učenica trećeg razreda, koje su učenicima 2. razreda na kreativan način uz pomoć tehnike Lapbook predstavile knjige "Ježeva kućica" i "Medin rođendan".

Učenici 9¹ razreda kratkim osvrtom i prikazom na panou zagolicali su maštu učenicima 8² lektirnim naslovom "Galeb Jonathan Livingston."





Dan krunisanja Tvrtka I Kotromanića





Nizom aktivnosti smo u našoj školi obilježili Dan krunisanja Tvrtka I Kotromanića, prvog kralja Bosne. Učenici prvih razreda sa učiteljicama Sonjom Suljaković i Jasminom Bajrektarević u šetnji do spomenika kralja Tvrtka u Gradskom parku dijelili su afiše izrađene za ovu prigodu. Na časovima likovne kulture u II i IV razredima učenici su oslikavali krune, zlatnike i porodični grb Tvrtka I Kotromanića. Učenici III razreda priredili su prigodnu tematsku izložbu posvećenu 26. oktobru, danu krunidbe prvog bosanskog kralja. Recitalom uz muziku srednjovjekovne Bosne učenici VIII i IX razreda podsjetili su nas na historijske činjenice

o Bosni kao kraljevini i kulturnom nasljeđu srednjovjekovne Bosne. "Bosanski ban Tvrtko I Kotromanić krunisan bijaše na današnji dan ljeta 1377. u Milama kod Visokog za kralja Bosne. Tada se uspostavi nezavisna Kraljevina Bosna, a Tvrtko I postade njen prvi kralj. Za vrijeme njegove vladavine ostvari se politička stabilnost te značajan kulturni i duhovni napredak što Bosnu učini najjačom balkanskom zemljom, a kralja Tvrtka I najvećim vladarom u historiji Bosne." Sve aktivnosti su zabilježene kamerom nastavnika Samira Bajraktarevića i u skorije vrijeme očekuje nas jedan promotivni video posvećen ovom danu.



CineStar

CINEMAS

Učenci od 1. do 5. razreda išli u posjetu Cinestaru u sklopu BCC. Učenci od 1. do 3. razreda pogledali su film "Patrolne šape", dok su učenci 4. i 5. razreda gledali film "Mavka".



Dani AUDIO-VIZUELNOG naslijeđa

Projekcijama filmova iz bh. kinematografije za više od 100 učenika iz Osnovne škole Pazar Tuzla i Richmod Park Međunarodne osnovne škole u Tuzli, završen je prvi dio manifestacije 4. Dani audio-vizuelnog naslijeđa i umjetnosti. Ponosni smo na činjenicu da smo u protekla tri dana omogućili besplatne sadržaje za više od 1.100 učenika iz osam tuzlanskih osnovnih i srednjih škola.

Isti program će u okviru ove manifestacije biti omogućen i za učenike u Gradačcu, a što ćemo realizovati sa partnerom u ovom projektu, Centrom za kulturu „Ahmed Muradbegović“ iz Gradačca.

Manifestaciju nastavljamo 3. novembra kada ćemo u našem Odjeljenju za edukaciju zajedno sa Turistička zajednica Tuzlanskog kantona i Savremeno-umjetnička škola Tuzla realizovati panel diskusiju „Festivali kao turistički potencijal Bosne i Hercegovine“.



GIRL'S DAY



Fondacija za inovacije, tehnologiju i transfer znanja u suradnji sa DKR-om šestu godinu zaredom organizuje Girls' Day!

Ova manifestacija ima poseban značaj za nas jer slavi djevojke i njihov potencijal te se bori protiv izazova s kojima se djevojčice i djevojke širom svijeta suočavaju. Za ovu priliku, kao i inače, pripremili smo bogat i inspirativan sadržaj za sve učesnice, a u pitanju su utjecajne žene, naučnice i inženjerke koje će podijeliti svoje životne primjere i izazove sa kojima su se susretale i svojim primjerom inspirirati mlade djevojke da se bave naukom, tehnologijom i inženjerstvom. Članice IT sekcije škole Pazar pod rukovodstvom profesora Damira Spahića bile su učesnice navedene manifestacije.



PROMOCIJA KNJIGE



Učenici II¹, II², III² i V²
posjetili Gradsku biblioteku
i prisustvovali promociji
knjige "Kućica na mjesecu"
Jagode Iličić.



Evropski dan pravde



Krajem oktobra, 27.10.2023. god., grupa učenika 9² razreda sa razrednicom Adelom Bajraktarević, u Općinskom sudu Tuzla prisustvovala je panel diskusiji "Upoznavanje učenika osnovnih i srednjih škola o funkcionisanju pravosudnog sistema i prevenciji rodno zasnovanog nasilja, nasilja u porodici i vršnjačkog nasilja" u okviru obilježavanja manifestacije "Evropski dan pravde". Učenici su kroz neposredni razgovor sa sudijama, tužiocima i stručnjacima iz oblasti psihologije imali priliku da se upoznaju sa strukturom pravosudnog sistema u Bosni i Hercegovini. Za učenike je to bilo jedno novo, zanimljivo iskustvo.



OBJAVLJEN LIKOVNI RAD NAŠE UČENICE



ZA SREĆU DOMA I NARODA

Literarni i likovni radovi
polaznika predškolskih ustanova i učenika
osnovnih škola 2023.



120
1993 - 2023 godina
za sreću doma i naroda
sa srećom domaćin i prijatelj
sa srećom domaćin i prijatelj
za sreću doma i naroda

Bošnjačka zajednica kulture "Preporod"
Sarajevo, 2023.

Jedan od
objavljenih likovnih
radova u okviru
konkursa čija tema
je bila "Za sreću
doma i naroda",
a koji je objavila
Bošnjačka zajednica
kulture "Preporod"
je rad naše učenice
Sarah Hukić.

ZA SREĆU DOMA I NARODA

LITERARNI I LIKOVNI RADOVI
POLAZNIKA PREDŠKOLSKIH
USTANOVA I UČENIKA
OSNOVNIH ŠKOLA 2023.



120
1993 - 2023 godina
za sreću doma i naroda
sa srećom domaćin i prijatelj
sa srećom domaćin i prijatelj
za sreću doma i naroda

SARAH HUKIĆ, VII¹ razred
OŠ Pazar, Tuzla





Školska prvenstva Grada Tuzle otvorile su odbojkaške ekipe osnovnih škola od 8. do 9. razreda utakmicama u okviru 4. kvalifikacione grupe koje su održane od 16.10. do 09.11.2023. godine, uz učešće 17 ekipa u ženskoj konkurenciji. Nakon osvojenog I mjesta u grupi D naša odbojkaška ekipa se plasirala na finalni turnir. Na finalnom turniru održanom 09.11.2023. godine, u maloj dvorani SKPC "Mejdan", odbojkašice naše škole kroz cijeli tok takmičenja igrale su fenomenalno, te osvojile odlično **2. mjesto** u veoma jakoj konkurenciji ostvariviši plasman na Kantonalno takmičenje. Čestitke našim vrijednim odbojkašicama i njihovom nastavniku.



Naše ODBOJKAŠICE





ODBOJKA 6. i 7. razredi (djevojčice)

Dana, 10.11.2023. u sportskoj dvorani OŠ "Centar" Tuzla je održano finale Gradskog takmičenja u odbojci za 6. i 7. razrede. Naše djevojčice, nakon što su kroz kvalifikacije stigle do polufinala, nakon velike borbe za svaki poen u polufinalu poražene su od OŠ "Brčanska Malta", te u utakmici za 3. mjesto pobijedile KŠC "Sveti Franjo" i u konačnom poretku osvojile **3. mjesto**. Čestitke našim bronzanim djevojčicama i njihovom mentoru.






URBANA EKOLOGIJA

U okviru projekta "Urbana ekologija" koji realizira Udruženje "Eko zeleni" grada Tuzla 10.11.2023. godine u Osnovnoj školi "Pazar" učenicima 8² održano je predavanje o urbanoj ekologiji.

Predavanje su priredili eko aktivisti Dilista Bašić i dr. Jozo Piljić.





BAZAR “KUPUJMO DOMAĆE”

Krajem novembra, 24.11.2023. u 16:30 otvoren sada već tradicionalni bazar u Osnovnoj školi “Pazar”.

U ime menadžmenta, nastavnika i učenika naše škole pozvali smo građanstvo da kupovinom proizvoda naših, domaćih privrednih preduzeća, zajedno učestvujemo u jačanju poticanju kupovine domaćih proizvoda.

Cijeneći velikodušnost i nesebičnost u donaciji domaćih proizvoda, našem bazaru “Kupujmo domaće” želimo se najsrdajnije zahvaliti svim ovogodišnjim donatorima, a to su: pekara Hukić, pekara Saćir, pekara Kabil, pekara Ljubače, Mega Diskont, Corn flips, Menprom, Soda, Bee Meed, As Jelah, Tilea, Pivara Tuzla (sokovi), Tešanjki kiseljak, Urban home, Klas, Bony sokovi, Solana, Madi, Fress, Leda i Mi99.

Sa svakom vašom donacijom, OŠ “Pazar” kao odgojno-obrazovna ustanova bliže je cilju - stvaranju još bolje i ugodnije atmosfere za rad i boravak naših učenika u školi.

Dobro došli!





*Svim Bosancima i Hercegovcima
sretan 25. novembar
Dan državnosti
naše jedine domovine
Bosne i Hercegovine*

UČENICI I UPOSLENICI
Osnovne škole PAZAR



*Država je okvir koji osigurava
naš opstanak i sretnu budućnost!*

25. NOVEMBAR
DAN DRŽAVNOSTI
Bosne i Hercegovine



Dan državnosti
BOSNE I HERCEGOVINE

Ministarstvo obrazovanja i nauke TK • Univerzitet u Tuzli • Osnovne i srednje škole TK

25. NOVEMBAR

*Učetrvtak, 24. novembra u Osnovnoj školi
"Pazar" na školskoj priredbi povodom
Dana državnosti Bosne i Hercegovine
istakli smo važnost nepobitnih činjenica
historijskog puta u nastajanju države
Bosne i Hercegovine.*

*Na ovaj dan, tačno prije 80 godina,
1943. godine, na prvom zasjedanju
ZAVNOBiH-a u Mrkonjić
Gradu usvojena je Rezolucija
ZAVNOBiH-a, u kojoj je izražena*





odlučnost naroda Bosne i Hercegovine da njihova zemlja, bude zbratimljena zajednica u kojoj će biti osigurana puna ravnopravnost svih, te ravnopravnost Republike Bosne i Hercegovine unutar jugoslavenske federacije, sa historijskim granicama koje su datirale još iz vremena srednjovjekovne Bosne

U ime učenika i nastavnika Osnovne škole "Pazar" svim Bosancima i Hercegovcima želimo sretan Dan državnosti jedino nam domovino Bosno i Hercegovine.



Početak decembra, 5. 12.2023. godine u prostorijama naše škole u okviru kampanje "Poštuj život, ne oružje" održano predavanje za učenike 8. i 9. razreda od strane policijskih službenika. Aktivnost je pokrenuta kao odgovor na povećani broj incidenata kod maloljetnih osoba uzrokovanih vatrenim oružjem.

POŠTUJ ŽIVOT, NE ORUŽJE



KOŠARKA

6. i 7. razredi



Dana, 11.12. 2023. godine u sportskoj dvorani Osnovne škole "Centar" su održane kvalifikacione i finalne utakmice Gradskog/ Općinskog takmičenja u košarci za djevojčice 6. i 7. razreda.

Ekipa naše škole je osvojila 2. mjesto i plasirala se na Kantonalno takmičenje.

Čestitke učenicama i njihovom nastavniku Senaidu Kuniću!





BLIŽI SE ZIMA

UČINI DOBRO DJELO



Bliži se zima.


Povodom toga roditelji i učenici 3¹ razreda odlučili su pokazati plemenitost i humanost, tako što su učestvovali na radionici pod nazivom "Učini dobro djelo".

Izrađivali su kućice za ptice a sve u cilju poticanja djece da se brinu o pticama stanaricama u hladnim zimskim danima. Za izradu kućica korišteni su raznovrsni materijali, puno mašte i spretnih ruku. Naši mali pernati prijatelji biće nam mnogo zahvalni!

ZIMSKE RADOSTI

U toku mjeseca decembra učenici 1¹ sa roditeljima i učiteljicom Jasminom Bajrektarević realizovali su edukativno-kreativnu radionicu “Zimske radosti”

gdje su izrađivali maske Snješka Bijelića za novogodišnji maskenbal, koji je bio upriličen povodom tradicionalnog obilježavanja Dana dječije radosti.



Naši zlatni košarkaši



Dječaci Osnovne škole "Pazar", naši zlatni košarkaši, postali su prvaci grada Tuzla na općinskom prvenstvu osnovnih škola za 2023/24. školsku godinu. Naši momci igrali su briljantno tokom cijelog kvalifikacionog i finalnog turnira i zasluženno se okitili titulom najboljih u kategoriji 8. i 9. razreda izborivši nastup na kantonalno takmičenje. Čestitke učenicima i njihovom mentoru Senaidu Kunić, prof.



GRADSKO PRVENSTVO U KOŠARCI 2023/2024.
OSNOVNE ŠKOLE 8 I 9 RAZRED DJEČACI
1. MJESTO
TUZLA, 18.12.2023. GODINE



Završena su općinska prvenstva u košarci za školsku 2023/24. godinu.

Naše košarkašice (kategorija 8. i 9. razredi) i košarkaši (kategorija 6. i 7. razredi) stigli su do polufinala i u krajnjem poretku osvojili 4. mjesto.

Čestitke našim učenicima/cama i njihovom nastavniku.



BASKETBALL



Učenci naše škole bili su sudionici projekta "Ostavimo poroke naučimo zajedno kuglati" u organizaciji Kuglaškog kluba "Sloboda" iz Tuzle. Predavanje i prezentaciju projekta realizovao je reprezentativac BiH u kuglanju a inače mr. sporta Nermin Kasumović. Osim predavanja, učenicima je podijeljen letak koji je pripremio projektni tim. Projekat je realizovan pod pokroviteljstvom Federalnog ministarstva za obrazovanje i nauku.

“Ostavimo poroke naučimo zajedno kuglati”



Dramska sekcija nižih razreda

Voditelj Dramske sekcije: Jasmina Bajrektarević

Članovi Dramske sekcije nižih razreda Osnovne škole "Pazar": Delila, Kenan, Namik, Amar, Uma i Asja su u prethodnom periodu vrijedno radili i pripremili igrokaz za prvačiće. Osmislili su igrokaz na osnovu narodne priče "Ko će se igrati sa mnom?"

To je priča o prvačiću Ivi koji ne želi ići u školu i u potrazi je za nekim ko bi se želio igrati s njim. Kad susretne Supermena, sazna kakve supermoći može steći u školi. Na njegov nagovor i podršku djece, Ivo se igri vraća nakon povratka iz škole i završene zadaće.

Mala publika je s uživanjem propratila igrokaz i nagradila mlade glumce dugim aplauzom.





**Nova godina je
pred vratima,
a mališani razredne nastave
Osnovne škole "Pazar"
rasplesanim i raspjevanim
maskenbalom učinili
su ovaj dan pravim
Danom dječje radosti.**



Intervju sa učenicom



Lenom

K.

Ilievska



Kroz našu školu prošlo mnogo generacija učenika i učenica, koji su pohađali muzičku školu, svirali različite instrumente i na poseban način njegovali ljubav prema muzici. Lena Katya Ilievska jedna je od onih skromnih učenika za čiji talenat smo saznali, imali priliku da je čujemo na prošlogodišnjoj školskoj priredbi kada je sa horom naše škole izvela jednu dionicu pjesme „.....“

Za ovaj broj Pazarka odlučili smo napraviti kraći intervju sa Lenom.

Pazarko: Leno, otkad postoji tvoja ljubav prema muzici?

Lena: Muziku sam zavoljela još od malih nogu. Mislim da sam već sa tri godine pokazala svoje interesovanje za muziku.

Pazarko: Tvoji prijateljice i oni koji te bolje poznaju kažu da voliš stranu muziku. Ko su tvoji muzički uzori?

Lena: Da, to je tačno. Mnogo je mojih muzičkih uzora, ali bih izdvojila i rekla da je to najviše Lana del Rey, The Weekend, Olivia Rodrigo i zauvijek neprevaziđena Whitney Huston.

Pazarko: Koju vrstu muzike voliš i zašto?

Lena: Kao mala sam pjevala jezz muziku, ali sada me više privlači pop muzika, jer sve su nekako različite i lijepe na svoj način i moji muzički uzori upravo se svrstavaju u pop pjevače.

Pazarko: Postoji li neka pjesma za koju bi rekla da ti je omiljena?

Lena: Ima ih više, ali reći ću jednu od njih. To je pjesma Snowman koju izvodi pjevačica Sia.

Pazarko: Učenica si Osnovne muzičke škole u Tuzli, nastupala si u Španiji na jednom velikom muzikom takmičenju La Voz Kids. Kakvo iskustvo ti je donijelo to takmičenje?

Lena: Nastupati u Španiji bilo je magično. Bilo je, naravno, i malo

stresa, ali iz tog iskustva sam naučila mnogo. Jako sam zahvalna što sam mogla biti dio te divne muzičke šou emisije koja mi je donijela mnogo uzbuđenja i veselja.

Pazarko: Kako provodiš svoje slobodno vrijeme?

Lena: Volim provoditi slobodno vrijeme sa svojim prijateljima i prijateljicama, gledati filmove, omiljene serije. Najviše, ipak volim vrijeme provoditi sa svojom porodicom i familijom i naravno, pjevati.

Intervju za školski list Pazarko priredila Anja Nikolić 8²



Lena Ilievska canta 'Dream a little dream of me' | Audiciones a ..

MOJA MAMA

Od svih dobrih mama koje postoje,
vjerujem da nema bolje od moje.
Volim kada me ljubi i miluje,
a u bolesti predano miluje.

Ona uvijek sjedi na krevetu mom,
dok noću blješte munje i puca grom.
Moja je sreća njeno veselje,
za svaki moj problem nađe rješenje.

Moja mama uvijek nemrno sanja,
jer sam spremna uvijek za čavrljanja.

Ema Nežirović, 7²

PAHULJICE

Kada dođe zima i promijeni se klima
a vrijeme bude hladno čak i za Eskima,
tada počinje bijelih ptica-
bijelih pahuljica.

Pahuljice bijele posvuda padaju,
lete raduje im se svako dijete.

Na igru nas zovu one
Obojile sve u bijelo...
Cijeli grad, drveće, ulice i staze
Ostaju tragovi u snijegu djece što ih
gaze.

Volim gledati dok pahulje tiho padaju
jer mi u duši mir daruju.

Edin Alibegović, 6²

MOJA ŠKOLA

U mojoj školi uvijek je smijeha,
uvijek je veselo, bez imalo straha.
Čekaju nas nastavnici puni sreće,
da steknemo znanje što veće.

Na putu je radost i veselje,
smijeh, znanje i oduševljenje.
Zadaća važna i lijepa,
nekada duga, a opet smiješna.

Moja škola svakoga dana,
Ljepša čak i od tulipana.
I zato svoju školu volim,
čak i kad se razbolim.

Aida Cerjaković, 7²


MOM DEDI

Zatvorim oči i zamišljam
da će moj dedo sa neba doći.
Igrat ćemo šaha, pričat ćemo priče,
a onda idemo u grad
da popijemo piće.

Dedo mi kaže
da me je on rodio,
a ja se smijem
da bih mu ugodio.
Kad se vratim iz škole
na vratima će me čekati nasmijana
lica
a ja ću mu reći: "Hajde da igramo
naših igrica!"

Otvorim oči, a dede nema...
Želim da je tu i da se meni vrati
jer za njim moje srce pati.

Edin Alibegović, 6²



Javna ustanova Osnovna škola
"PAZAR"

Ul. Pazar br. 1.

75 000 Tuzla

ospazar.org

skolapazar@gmail.com